



Arkivnr: 2014/10537-2

Saksbehandlar: Roald Breistein

Saksframlegg

Saksgang

Utval	Saknr.	Møtedato
Kontrollutvalet		

Forvaltningsrevisjon av tilskotsforvaltning innanfor kulturområdet - Status i arbeidet ved Deloitte

Bakgrunn for saka

Kontrollutvalet gjorde slikt vedtak si sak 25/13 i møte 19.9.13:

- 1 Kontrollutvalet bestiller forvaltningsrevisjon av tilskotsforvaltning innanfor kulturområdet, fra Deloitte AS, med utgangspunkt i forslag til prosjektplan og innspel under drøftinga i møtet.
- 2 Det vert akseptert ein samla timeressurs på inntil det timetal som ligg i prosjektplanen, inkludert opsjon på ev. presentasjon av rapporten i fylkestinget.
- 3 Kontrollutvalet ønsker at revisjonsrapport er klar frå Deloitte si side innan 28.2.2014 ferdig verifisert og med rådmannen sin uttale vedlagt og/eller innarbeidd.

Av den godkjende prosjektplanen går det fram at føremålet med revisjonen er:

"Føremålet med prosjektet vil vere å undersøke i kva grad det er etablert tilstrekkeleg med system og rutinar for å sikre god styring og kontroll med tilskotsforvaltninga innanfor kulturområdet."

Med bakgrunn i dette føremålet er det formulert følgjande problemstillingar:

1. Er det gjort ei tydeleg avgrensing av roller og mynde mellom administrasjonen og politisk nivå, når det gjeld tilskotsforvaltning på kulturområdet?
2. Er sakhandsaminga i samband med tildeling av tilskot tilfredsstillande?
 - a. Er det utarbeidd klare føringar og/eller kriterium for tildeling av tilskot innanfor dei ulike tilskotsordningane?
 - b. Blir forvalningslova sin krav til sakhandsaming etterlevd?
 - c. Blir eventuelle interne retningsliner for sakhandsaminga etterlevd?
 - d. Er sakhandsaminga godt dokumentert og etterprøvbar?
 - e. Er det etablert tilfredsstillande system og rutinar for vurdering av habilitet i samband med tildeling av tilskot?
3. Er informasjon om tilskotsordningane tydeleg og gjort tilgjengeleg for målgruppa?
4. I kva grad er det etablert system for å vurdere om tilskota bidrar til å nå dei mål som er sett?
 - a. I kva grad er det formulert tydelege føremål med dei ulike tilskotsordningane?
 - b. I kva grad blir det stilt krav om rapportering frå tilskotsmottakar?
 - c. I kva grad blir det stilt krav om dokumentering av kostnader i samband med rapportering?

Besøksadresse: Agnes Mowinckelsgt. 5 - Postadresse: Postboks 7900. 5020 Bergen - Telefon 55 23 90 00

Direkte telefon 55239447 – Mobil 97505152 - E-postadresse: Roald.Breistein@hfk.no eller kontrollutvalet@hfk.no

Bankgiornr. 5201 06 74239 - Foretaksnr. NO 938 626 367 mva.

- d. I kva grad blir rapportering frå tilskotsmottakarar nytta for å gjennomføre evalueringar av ulike tilskotsordningar?
- 5. Er det etablert tilstrekkelege rutinar for koordinering og samhandling mellom kulturavdelinga og andre avdelingar i fylkeskommunen, i tilfelle der det kan vere aktuelt at fleire avdelingar tildeler tilskot til same verksemد eller føremål?

I prosjektplanen har Deloitte gjort ei slik presisering av prosjektet:

"Prosjektet vil ha fokus på tilskotsordningar som blir forvalta av Kultur- og idrettsavdelinga i Hordaland fylkeskommune, og hovudfokus vil vere på tilskotsordningar som er definerte som «kultur», samt tilskotsordningar som er definerte som «frivillig arbeid (kultur og idrett)»".

Drøfting:

I dette møtet vil Deloitte orientere om status og framdrift i prosjektet.

Konklusjon:

På bakgrunn av det som kjem fram i møtet bør kontrollutvalet drøfte seg fram til ein konklusjon.

Forslag til vedtak

Saka vert lagt fram utan forslag til vedtak

Hogne Haktorson
Kontrollsjef

Roald Breistein
seniorrågjevar

Dokumentet er elektronisk godkjent og har derfor ikkje underskrift.